

აუდიომონიტორინგის განხორციელების წესი

დამტკიცებულია: წარმომადგენლობითი საბჭოს მიერ,
სხდომის ოქმი N2, დადგენილება N1, თარიღი: 06/02/2026წ.

მუხლი 1. რეგულირების სფერო

აუდიომონიტორინგის განხორციელების წესი (შემდგომ - წესი), „პერსონალურ მონაცემთა დაცვის შესახებ“ საქართველოს კანონის (შემდგომში - კანონი) მე-4 მუხლით დადგენილი პრინციპების შესაბამისად, განსაზღვრავს **სსიპ – საქართველოს შოთა რუსთაველის თეატრისა და კინოს სახელმწიფო უნივერსიტეტი** (შემდგომ - უნივერსიტეტი) აუდიომონიტორინგის მიზნებსა და მოცულობას, ხანგრძლივობას, აუდიოჩანაწერზე წვდომის, მისი შენახვისა და განადგურების წესსა და პირობებს, ასევე, მონაცემთა სუბიექტის უფლებების დაცვის მექანიზმებს.

მუხლი 2. აუდიომონიტორინგის განხორციელების მიზნები

აუდიომონიტორინგის განხორციელების მიზნებია:

- ა) უნივერსიტეტის მნიშვნელოვანი ლეგიტიმური ინტერესის დაცვა (მაგალითად, როგორცაა მტკიცებულების შექმნა);
- ბ) საჭიროების შემთხვევაში, უნივერსიტეტის საქმიანობის ფარგლებში შექმნილი კომისიების/სამუშაო ჯგუფების სხდომების აუდიო დაოქმება, საოქმო ჩანაწერის წარმოება.

მუხლი 3. აუდიომონიტორინგის მოცულობა

უნივერსიტეტის მიერ განხორციელებული აუდიომონიტორინგის ფარგლებში ექცევიან უნივერსიტეტის ფარგლებში შექმნილი კომისიის/სამუშაო ჯგუფების წევრები, სხდომებზე მოწვეული პირები.

მუხლი 4. აუდიომონიტორინგის შესახებ გაფრთხილება

უნივერსიტეტის საქმიანობის ფარგლებში შექმნილი კომისიის/სამუშაო ჯგუფების სხდომის დაწყებამდე, შესაბამისი კომისიის/სამუშაო ჯგუფის მდივნის მიერ

ხორციელდება კომისიის/სამუშაო ჯგუფების წევრების, მოწვეული პირების ინფორმირება და ნებართვის მიღება სხდომების აუდიო დაოქმების შესახებ.

მუხლი 5. აუდიომონიტორინგის ხანგრძლივობა, აუდიოჩანაწერების შენახვის ვადა და განადგურების წესი

1. უნივერსიტეტის ფარგლებში შექმნილი კომისიის/სამუშაო ჯგუფების სხდომის მიმდინარეობის მთელი პერიოდის განმავლობაში ხდება აუდიომონიტორინგი და მისი ხანგრძლივობა დამოკიდებულია სხდომის მიმდინარეობის დროზე.
2. უნივერსიტეტის ფარგლებში შექმნილი კომისიის/სამუშაო ჯგუფის სხდომის აუდიო ოქმები ინახება კომისიის/სამუშაო ჯგუფის საქმიანობის დასრულებიდან 6 კალენდარული თვის მანძილზე.
3. ამ მუხლის მე-2 პუნქტით განსაზღვრული ვადის ამოწურვისთანავე, უნივერსიტეტის საქმიანობის ფარგლებში შექმნილი კომისიის/სამუშაო ჯგუფის აქტის საფუძველზე ხდება აუდიოჩანაწერების წაშლა კომისიის/სამუშაო ჯგუფის სხდომის მდივნის მიერ.

მუხლი 6. მონაცემთა უსაფრთხოება და მათზე წვდომა

1. უნივერსიტეტში უზრუნველყოფილია აუდიოჩანაწერის უსაფრთხოება და მიღებულია მისი უსაფრთხოების დაცვისთვის აუცილებელი ორგანიზაციული და ტექნიკური ზომები.
2. ამ წესის მე-5 მუხლით გათვალისწინებულ აუდიოჩანაწერებზე წვდომის უფლებამოსილება აქვს შესაბამისი კომისიის/სამუშაო ჯგუფის მდივანს.
3. აუდიოჩანაწერის ასლის მესამე პირისათვის გადაცემა უნივერსიტეტის მიერ უნდა განხორციელდეს მხოლოდ „პერსონალურ მონაცემთა დაცვის შესახებ“ საქართველოს კანონით განსაზღვრულ შემთხვევებში. აუდიოჩანაწერის ასლი მესამე პირს უნდა გადაეცეს მხოლოდ შესაბამისი კანონიერი მიზნისა და საფუძვლის არსებობის შემთხვევაში, მონაცემთა დამუშავებისათვის „პერსონალურ მონაცემთა დაცვის შესახებ“ საქართველოს კანონით დადგენილი პრინციპების გათვალისწინებით.
4. უნივერსიტეტის პერსონალი ინფორმირებულია აუდიომონიტორინგის გზით მოპოვებულ პერსონალურ მონაცემთა დაცვის მნიშვნელობის შესახებ და მათ მიერ პერსონალურ მონაცემთა დაცვის მიზნით შემუშავებული ნორმების დარღვევა წარმოადგენს დისციპლინური პასუხისმგებლობის დაწყების საფუძველს.

მუხლი 7. აუდიომონიტორინგის განხორციელების პროცესში მონაცემთა სუბიექტის უფლებების დაცვის მექანიზმები

1. აუდიომონიტორინგის განხორციელებისას მონაცემთა სუბიექტის კანონით გათვალისწინებული უფლებები დაცულია.
2. მონაცემთა სუბიექტს აუდიომონიტორინგის განხორციელებისას მისი უფლებების დაცვასთან დაკავშირებულ ნებისმიერ საკითხზე, უფლება აქვს შეუზღუდავად გამოიყენოს უფლების დაცვის როგორც უნივერსიტეტში არსებული ამ მუხლით გათვალისწინებული მექანიზმები, ასევე საქართველოს კანონმდებლობით გათვალისწინებული ყველა სხვა საშუალება.
3. მონაცემთა სუბიექტს გარანტირებული აქვს პერსონალურ მონაცემთა დაცვის ოფიცრის შეუზღუდავი ხელმისაწვდომობა - მას შეუძლია სამუშაო დროს მიმართოს მონაცემთა დაცვის ოფიცერს კონსულტაციისთვის და უნივერსიტეტში აუდიომონიტორინგის განხორციელებასთან დაკავშირებით დამატებითი ინფორმაციის მიღების მიზნით.
4. მონაცემთა სუბიექტს უფლება აქვს როგორც წერილობით, ასევე ზეპირად, შეუზღუდავად მიმართოს (მათ შორის ანონიმურად) კანცლერს აუდიომონიტორინგის განხორციელებისას მისი უფლებების სავარაუდო დარღვევის შესახებ და მოითხოვოს სათანადო რეაგირება. მონაცემთა სუბიექტს ასევე, შეუძლია, მისი უფლებების დასაცავად, დაუბრკოლებლად მიმართოს პერსონალურ მონაცემთა დაცვის სამსახურს ან სასამართლოს.
5. უნივერსიტეტი მონაცემთა სუბიექტის აუდიომონიტორინგის შესახებ, მისი ინფორმირების მიზნით გამაფრთხილებელ ნიშანს არ იყენებს.